

文淵閣

影印

四庫全書

影印

文淵閣四庫全書

第一四二九冊

北京出版集團公司
北京出版社

本冊目次

御定全唐詩（七）

清 康熙四十二年御定……一

欽定四庫全書

集部

御定全唐詩卷五百八十四至

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官中書臣陸湘

謄錄監生臣吳鵬

欽定四庫全書

御定全唐詩卷五百八十四

段成式

段成式字柯古河南人世客荊州宰相文昌之子也以
陰為校書郎研精苦學祕閣書籍披閱皆遍歷尚書郎
太常少卿連典九江縉雲廬陵三郡坐累退居襄陽集
七卷今編詩一卷

觀山燈獻徐尚書 并序

欽定四庫全書

御定全唐詩
卷五百八十四

尚書東莞公鎮襄之三年四維具舉而仍歲穀熟
及上元日百姓請事山燈以報穰祈祉也時從事
及上客從公登城南樓觀之初燦空煥谷漫若朝
炬忽驚狂燒卷風撲緣一峯如塵烘旆色如波殘
鯨鬣如霞駭如珊瑚露如丹蛇蛟離如朱草藎藎
如芝之曲如蓮之擎布宇而疾抵電書寫塔而爭
同蜃搆亦天下一絕也成式辭多嗤累學未該悉
策山燈事唯記陳後主宴光壁殿遙詠山燈詩云

雜桂還如月依柳更疑星輒成三首以紀壯觀

風杪影凌亂露輕光陸離如霞散仙掌似燒上峨嵋道

樹千花發扶桑九日移因山成衆像不復藉蟠螭

湧出多寶塔往來飛錫僧分明三五月傳照百千燈馴

狖移高柱一作柱慶雲遮半層夜深寒焰白猶自綴金繩

磊落風初定輕明雲乍妨疎中搖月彩繁處雜星芒火

樹枝柯密燭龍鱗甲張窮愁讀書者應得假餘光

和徐商賀盧員外賜緋一作和徐相公賀袁陽徐副使加章服

欽定四庫全書
御定全唐詩
卷五百八十四

雲雨軒懸鶯語新一篇佳句占陽春銀黃年少偏欺酒

金紫風流不讓人連壁座中斜日滿貫珠歌裏落花頻

莫辭倒載吟歸去看欲東山又吐茵

河出榮光

符命自陶唐吾君應會昌千年清德水九折滿榮光極

岸浮佳氣微波照夕陽澄輝明貝闕散彩入龍堂近帶

關雲紫遙連日道黃馮夷矜海若漢武貴宣房漸沒孤

槎影仍呈一葦航撫躬悲未濟作頌喜時康

哭李羣玉

曾話黃陵事今爲白日催老無兒女累誰哭到泉臺

寄溫飛卿牋紙予在九江造雲藍紙既乏左伯之法全無張永之功輒送五十

板

三十六鱗充使時數番猶得裏相思待將袍襖重抄了

盡寫襄陽播摺一作拈詞

題石泉蘭若

矗竹爲籬松作門石楠陰底藉芳蓀方袍近日少平叔

欽定四庫全書
御定全唐詩
卷五百八十四

注得逍遙無處論

怯酒贈周繇一作答周爲憲看牡丹

大白東西飛正狂新篴石凍雜梅香詩中反語常回避

尤怯花前喚索郎

牛尊師宅看牡丹

洞裏仙春日更長翠叢風翦紫霞芳若爲蕭史通家客

情願扛壺入醉鄉

觀碁一作溫庭筠詩

閒對奕楸傾一壺黃羊枰上幾成都他時謁帝銅池曉
一作便賭宣城太守無

題僧壁

一本下有和章蟾三字

有僧支頰撚眉毫起就夕陽磨剃刀到此既知閒最作
一作處樂俗心何啻九牛毛

哭房處士

獨上黃壇幾度盟印開龍渥喜丹成豈同叔夜終無分
空向人間著養生

欽定四庫全書

御定全唐詩

卷五百八十四

四

呈輪上人

虎到前頭心不驚殘陽擇蟲嬾逢迎東林水石未勝此
要假遠公方有名

題谷隱蘭若三首

風惹閒雲半谷陰巖西隱者醉相尋草哀乍覺徑增險
葉盡却疑溪不深

鳥啄靈雛戀落暉村情山趣頓忘機丹成道士過門數

葉盡寒猿下嶺稀

風帶巢熊拗樹聲老僧相引入雲行半陂新路畬纔了
一谷寒煙燒不成

不赴光風亭夜飲贈周繇

屏開屈膝見吳娃蠻蠟同心四照花姹女不愁難管領
斬新鉛裏得黃牙

嘲元中丞

一作襄陽中堂賞花爲憲與妓人戲語嘲之

鶯裏花前選孟光東山逋客酒初狂素娥畢竟難防備
燒得河車莫遣嘗

欽定四庫全書

御定全唐詩

卷五百八十四

五

寄一作

周繇一作爲憲求人參

少賦令才猶強作衆醫多識不能呼九莖仙草真難得
五葉靈根許惠無

嘲飛卿七首

曾見當壚一箇人入時裝束好腰身少年花蒂多芳思
只向詩中寫取真

醉袂幾侵魚子綰飄纓長眉鳳皇釵知君欲作閑情賦
應願將身作錦鞵

翠蝶密偎金叉一作首青蟲危泊玉釵梁愁生半額不

開靨只爲多情團扇郎

柳煙梅雪隱青樓殘日黃鸝語未休見說自能裁袖腹

不知誰更著梢頭

愁機嬾織同心苴悶繡先描連理枝多少風流詞句裏

愁中空詠早環詩

燕支山色重能輕南陽水澤關分明不煩射雉先張翳

自有琴中威鳳聲

欽定四庫全書

御定全唐詩
卷五百八十四

六

半歲愁中鏡似荷牽環撩鬢却須磨花前不復抱瓶渴
月底還應琢刺歌

柔卿解籍戲呈飛卿三首

長檐犢車初入門金牙新醞盈深罇良人爲漬木瓜粉

遮却紅腮交午痕

最宜全幅碧鮫綃自裝春羅等舞腰未有長錢求鄴錦

且令裁取一團嬌

出意挑鬟一尺長金爲鈿鳥簇釵梁鬱金種得花茸細

添入春衫領裏香

戲高侍御七首

百媚城中一箇人紫羅垂手見精神青琴仙子長教示
自小來來號阿真

七尺髮猶三角梳玳牛獨駕長檐車曾城自有三青鳥
不要蓮東雙鯉魚

花恨紅腰

一作腮

柳妬眉東鄰牆短不曾窺猶憐最小分

瓜日柰許迎春得藕時

欽定四庫全書

御定全唐詩
卷五百八十四

七

自等腰身尺六彊兩重危鬢盡釵長欲燠羅薦嫌龍腦
湏爲尋求石葉香

別起青樓作幾層斜陽慢卷鹿盧繩厭裁魚子深紅繡

泥覓蜻蜓淺碧綾

詐嫌嚼貝磨衣鈍私帶男錢壓鬢低不獨邯鄲新嫁女

四枝鬟上插通犀

可羨羅敷自有夫愁中漫捋白髭鬚豹錢驄子能擎舉

兼著連乾許換無

送僧二首

形神不滅論初成
愛馬乘閒入帝京
四十二年虛過了
方知僧裏有唐生

想到頭陀最上方
桂陰猶認惠宗房
因行戀燒歸來晚
窗下猶殘一字香

援

却憶書齋值晚晴
挽枝閒嘯激蟬清
影沈巴峽夜巖色
蹤絕石塘寒瀨聲

欽定四庫全書

御定全唐詩
卷五百八十四

送穆郎中赴闕

應念愁中恨
索居驪歌聲裏且踟躕
若逢金馬門前客
爲說虞卿久著書

題商山廟

偶出雲泉謁禮闈
篇章曾沐漢皇知
無謀靜國東歸去
羞過商山四老祠

折楊柳七首

枝枝交影鎖長門
嫩色曾沾雨露恩
鳳輦不來春欲盡

空留鶯語到黃昏

此篇一作
王貞白詩

水殿年年占早芳
柔條偏惹御爐香
而今萬乘多巡狩
輦路無陰綠草長

此篇一作
王貞白詩

玉樓煙薄不勝芳
金屋寒輕翠帶長
公子驂騑往何處
綠陰堪繫紫遊韁

嫩葉初齊不耐寒
風和時拂玉欄干
君王去日曾攀折
泣雨傷春翠黛殘

此篇一作
王貞白詩

微黃纔綻未成陰
繡戶珠簾相映深
長恨早梅無賴極

欽定四庫全書

御定全唐詩
卷五百八十四

先將春色出前林

隋家堤上已成塵
漢將營邊不復春
只向江南并塞北
酒旗相伴惹行人

陌上河邊千萬枝
怕寒愁雨盡低垂
黃金穗短人多折
已恨東風不展眉

哭李羣玉

酒裏詩中三十年
縱橫唐突世喧喧
明時不作褊衡死
傲盡公卿歸九泉

漢宮詞二首

歌舞初承恩寵時
六宮學妾畫蛾眉
君王厭世妾頭白
聞唱歌聲却淚垂

二八能歌得進名人言
選入便光榮
豈知妃后多嬌妬
不許君前唱一聲

醉中吟

只愛糟牀滴滴聲
長愁聲絕又醒醒
人間榮辱不常定
唯有南山依舊青

欽定四庫全書

御定全唐詩
卷五百八十四

十

桃源僧舍看花

前年帝里探春時
寺寺名花我盡知
今日長安已灰燼
忍能南國對芳枝

和周繇見嘲

并序 一作和周為
憲廣陽公宴見嘲詩

近者初開金埒大
敵紅筵騎歷塊
而風生鼓掇搥
而雷發成式
未曾盤馬徒效執鞭喜過君子之營
徒接將軍之第
歛段辭退因得坐觀是時滿目鉛
黃迎鼻蘭麝晚薪餘論恨織素而不憐斜柯新知

歎因針而難假
化符端公妾換名馬賦闢長門莫

逆賞心形於善謔
爲憲老舅吟飄白雪思效碧雲

六韻傳觀不得落地鏗如佩玉
祭若列星僊眼詎

貴於千金貸心只勞於一句輒鳴瓦缶
方應金鏡

拗輔宜咭足代諧笑

才甘魚目並藝怯馬蹄間
王謝初飛蓋姬姜盡下山縛

雞方一作角逐射雉豈開顏
亂翠移林色狂紅照座殷

防梭齒雖在乞帽鬢
斑斑儻恕相如瘦應容累騎還

欽定四庫全書

御定全唐詩
卷五百八十四

十一

和張希復詠宣律和尚袈裟

南山披時寒夜中
一角不動毘嵐風
何人見此生慙媿
斷續猶應護得龍

句

高談敬風鑒古貌怯冰稜

以下見海錄碎事

風暴妨歸夢

喧徹曙更夢裏思甘露
言中惜惠燈新破毘曇義

相期卜夜論夢得句云云
因續成十韻隨樵劫獲藏隈石
覩熊緣

隱山書事
見襄陽志

捫胡雲彩落痕面月痕消

光風亭夜宴
妓有醉臥者

擲履仙兒起擡衣蝴蝶飄羞中含薄怒顰裏帶餘嬌醒

後猶攘臂歸時更折腰狂夫自纓絕眉勢倩人描題同
上見

紀事 不願石郎戴笠難甘玉女披衣苦雨

欽定四庫全書

御定全唐詩
卷五百八十四

十三

御定全唐詩卷五百八十四

欽定四庫全書

御定全唐詩卷五百八十五

劉駕

劉駕字司南江東人登大中進士第官國子博士詩一

卷

皎皎詞

皎皎復皎皎逢時即為好高秋亦有花不及當春草班
姬入後宮飛燕舞東風青娥中夜起長歎月明裏

欽定四庫全書

御定全唐詩
卷五百八十五

長安旅舍抒情投先達

一作長安抒
懷寄知己

岐路不在地馬蹄徒苦辛上國聞姓名不如山中人
大宅滿六街此身入誰門愁心日散亂有似空中塵白
露下長安百蟲鳴草根方當秋賦日却憶歸山村靜女
頭欲白良媒況我鄰無令苦長歎長歎銷人魂

送友下第遊鴈門

相別灞水湄夾水柳依依我願醉如死不見君去時
所詣星斗北直行到猶遲況復挈空囊求人悲一作恨
路

岐北門記室賢愛我學古詩待君如待我此事固不疑
鴈門春色外四月鴈未歸主人拂金臺延客夜開扉舒
君鬱鬱懷飲彼白玉卮若不化女子功名豈無期

讀史

平地見天涯登高天更遠功名及所望歧路又滿眼萬
金買園林千金修池館他人厭遊覽身獨戀軒冕唯有
漢二疏應覺還家晚

反賈客樂

樂府有賈客
樂今反之

欽定四庫全書

御定全唐詩
卷五百八十五

無言賈客樂賈客多無墓行舟觸風浪盡入魚腹去農
夫更苦辛所以羨爾身

送李垣先輩歸嵩少舊居

第九
句缺

高秋灞澹路遊子多慘戚君於此地行獨以尋春色文
章滿人口高第非苟得要路在長安歸山却為客

狂歌罷歎息我豈無故山千里同外國

苦寒吟

百泉凍皆咽我吟寒更切半夜倚喬松不覺滿衣雪竹

竿有甘苦我愛抱苦節鳥聲有悲歡我愛口流血潘生
若鮮吟更早生白髮

上巳日

上巳曲江濱喧於市朝路相尋不見者此地皆相遇日
光去此遠翠幕張如霧何事歡娛中易覺春城暮物情
重一作受此節不是愛芳樹明日花更多何人肯回顧

春臺

臺上樹陰合臺前流水多青春不出門坐見野田花誰

欽定四庫全書

御定全唐詩
卷五百八十五

能學公子走馬逐香車六街塵滿衣鼓絕方還家

釣臺懷古

澄流可濯纓巖子但垂綸孤坐九層石遠笑清渭濱潛
龍飛上天四海豈無雲清氣不零雨安使洗一作塵氛

我來吟高風髣髴見斯人江月尚皎皎江石亦磷磷如

何臺下路明日又迷津

勵志一作續
勵志

白髮豈有情貴賤同日生二輪不暫駐似赴長安程前

堂吹麥差不作緹山聲後園植木槿月照無餘英及時
立功德身後猶光明仲尼亦為土魯人焉敢耕

桑婦

牆下桑葉盡春蠶半未老城南路迢迢今日起更早四
隣無去伴醉臥青樓曉妾顏不如誰所貴守婦道一春
常在樹自覺身如鳥歸來見小姑新妝弄百草

上馬歎

羸馬行遲遲頑童去我遠時時一回顧不覺白日晚路

欽定四庫全書

御定全唐詩
卷五百八十五

四

傍豪家宅樓上紅妝滿十月庭花開花前吹玉管君當
未貴日豈不常屯蹇如何見布衣忽若塵入眼布衣豈
常賤世事車輪轉

唐樂府十首

并序

唐樂府自送征夫至獻賀觴歌河湟之事也下土
土貢臣駕生於唐二十八年獲見明天子以德歸
河湟地臣得與天下夫婦復為太平人獨恨愚且
賤蠕蠕泥土中不得從臣後拜舞稱于上前情有

所發莫能自抑作詩十章目曰唐樂府雖不足貢
聲宗廟形容盛德而願與耕稼陶漁者歌田野江
湖間亦足自快

送征夫

昔送征夫苦今送征夫樂寒衣縱攜去應向歸時着天
子待功成別造凌煙閣

輸者謳

輓粟上高山高山若平地力盡心不怨同我家私事去

欽定四庫全書

御定全唐詩
卷五百八十五

五

者不遑寧歸者唱歌行相逢古城下立語天未明一身
遠出塞十口無稅征

弔西人

河湟父老地盡知歸明主將軍入空城城下弔黃土所
願邊人耕歲歲生禾黍

邊軍過

城前兵馬過城裏人高卧官家自供給畏我田產破健
兒食肥肉戰馬食新穀食飽物有餘所恨無兩腹草青

見軍過草白見軍回軍回人更多盡繫西戎來

望歸馬

東人望歸馬馬歸蓮峰下蓮峰與地平亦不更徵兵

祝河水

河水清瀾瀾照見遠樹枝征人不飲馬再拜祝馮夷從
今億萬歲不見河濁時

田西邊

刀劒作鋤犁耕田古城下高秋禾黍多無地放羊馬

欽定四庫全書

御定全唐詩

卷五百八十五

六

崑山

昔時王為寶崑山過不得今時王為塵崑山入中國白
玉尚如塵誰肯愛金銀

樂邊人

在鄉身亦勞在邊腹亦飽父兄若一處任向邊頭老

獻賀觴

莫但取河湟河湟非邊疆願今日入處亦似天中央天
子壽萬歲再拜獻此觴

且可憐行

第五句
缺三字

園中花自早不信外無花良人未朝去先出登香車

五 輪滿城聞嘔啞侍兒衣各別頭上金雀多祇是

一家人路人疑千家過後香滿陌直到春日斜今朝且

可憐莫問久如何

築臺

一作詞 漢武築通天
臺役者苦之

前杵與後杵築城聲 一作不住我願築更高得見秦皇

墓

欽定四庫全書

御定全唐詩

卷五百八十五

七

鄰女

君嫌鄰女醜取婦他鄉縣料嫁與君人亦為隣所賤
蒲花可貴只為人難見

山中夜坐

半夜山雨過起來滿山月落盡醉處花荒溝水泱泱
然惜春去似與故人別誰遣我多情壯年無鬢髮

秦娥

秦娥十四五面白於指爪羞人夜採桑驚起戴勝鳥

牧童

牧童見客拜山果懷中落晝日驅牛歸前溪風雨惡

古出塞

胡風不開花四氣多作雪北人尚凍死況我本南越古
來沙漠地巡狩無遺轍九土耕不盡武皇猶征伐中天
有高閣圖畫何時歇坐恐塞上山低於沙中一作骨上

寄遠

雪花豈結子徒滿連理枝嫁作一作與征人妻不得長相

欽定四庫全書

御定全唐詩
卷五百八十五

隨去年君點行賤妾是新姬一作歸別早見未熟入夢無
定姿悄悄空閨中蛩聲繞羅幃得書喜猶甚況復見君
時

下第後屏居長安書懷寄太原從事

別足豈更長良工隔千里故山彭蠡上歸夢向汾水低
推神氣盡僮僕心亦恥未達誰不然達者心思此行年
忽已壯去老年更幾功名生不彰身歿豈為鬼纔看芳
草歇即歎涼風起足馬未來期嘶聲尚在耳

早行

馬上續殘夢馬嘶時復驚心孤多所虞僮僕近我行棲
禽未分散落月照古城莫羨居者閒一作閒居者一作漢
人已耕

青門路

青門有歸路坦坦高槐下貧賤自恥歸此地誰留我門
開送客去落日嬾回馬旅食帝城中不如遠遊者舟成
於陸地風水終相假吾道諒如斯立身無苟且

欽定四庫全書

御定全唐詩
卷五百八十五

效古

融融芳景和杳杳春日斜嬌嬈不自持清唱頻雙蛾終
曲翻成泣新人下香車新人且莫喜故人曾如此燕趙
猶生女郎豈有終始

戰城南

城南征戰多城北無飢鴉白骨馬蹄下誰言皆有家城
前水聲苦條忽流萬古莫爭城外城一作地一作城裏終一作有
門土

曲江春霽

宿雨洗秦樹舊花如新開池邊草未乾日照人馬來馬蹄踏流水漸漸成塵埃駕鸞不敢下飛繞岼東西此地喧仍舊歸人亦滿街

贈先達

終南蒼翠好未必如故山心期在榮名三載居長安昔蒙大雅匠勉我工五言業成時不重辛苦只自憐皎皎機上絲盡作秦箏弦貧女皆罷織富人豈不寒驚風起

欽定四庫全書

御定全唐詩
卷五百八十五

十一

長波浩浩何時還待君一作誰當要路一指王化源

有感

弓劍不自行難引河湟思將軍半夜飲十里聞歌吹高門一作行幾世宅舞袖仍新賜誰遣一書來燈前問邊事

姑蘇臺

一作吳中懷古

勾踐飲膽日吳酒正一作香滿杯一作吳王酒滿杯笙歌入海雲聲自姑蘇來西施舞初罷侍兒整金釵衆女不敢妒自比泉下泥越鼓聲騰騰吳天隔塵埃難將甬東地更學

會稽樓

紀事止此

霸跡一朝盡草中棠梨開

豪家

九陌槐葉盡青春在豪家嬌鶯不出城長宿庭上花高樓登夜半已見南山多恩深勢自然不是愛驕奢

山中有招

朗朗山月出塵中事由生人心雖不閒九陌夜無行學古以不聞有如石上耕齊姜早作婦豈識閨中情何如此地僻人不爭嘉樹自昔有茅屋因我成取薪不

欽定四庫全書

御定全唐詩
卷五百八十五

十二

出藥於前庭春花雖無種枕席芙蓉馨君來食葵

藿一作豉豈不榮

空城雀

空城土莫近太倉粟一粒未充腸却入公子腹且一作吊城上骨一作客幾曾害一作空爾族不聞莊辛語今日寒

燕綠

馮叟居

天作馮叟居山僧尚嫌僻開門因兩樹結宇倚翠壁溪

南有微徑時遇採芝客往往白雲生對面千里隔機忘

若僮僕常與猿鳥劇曬藥上小峰庭深無日色自忘一作

從歸鄉里一作自從不見新舊一作舊親戚纍纍子孫墓秋

風吹古栢

醒後

醉卧芳草間酒醒日落後壺觴半傾覆客去應已久不

記折花時何得花在手

棄婦

欽定四庫全書

御定全唐詩
卷五百八十五

十三

回車在門前欲上心更悲路傍見花發似妾初嫁時養
蠶已成繭織素猶在機新人應笑此何如畫蛾眉昨日
惜紅顏今日畏老遲良媒去不遠此恨今告誰

送李殷遊邊

一作送李
殷遊西京

十年夢相識一覲一作覲俄遠一作見別征駕在我傍草草

意難說君居洞庭日詩句滿魏闕如何萬里來青桂看

人折行裝不及備西去偶然訣一作成決孟夏出都門紅塵

客衣熱荒城見羊馬野館具薇蕨邊境漸無虞旅宿常

待月西園置酒地日夕簪裾列壯志安可留槐花樽前
發

江村

江水灌稻田饑年稻亦熟舟中愛桑麻日午因成宿相
承幾十代居止連茅屋四隣不相離安肯去骨肉書生
說太苦客路常在目縱使富貴還交親幾墳綠

出門

出門羨他人奔走如得塗翻思他人意與我或不殊以

欽定四庫全書

御定全唐詩
卷五百八十五

十三

茲聊自安默默行九衢生計逐羸馬每出似移居客從
我鄉來但得鄰里書田園幾換主夢歸猶荷鋤進猶希
萬一退復何所如況今關公道安得不躊躇

別道者

自君入城市北邙無新墳始信壺中藥不落白楊根如
何忽告歸薜蘿華還笑人玉笙無遺音悵望緱嶺雲

蘭昌宮

宮蘭非瑤草安得春長在回首春又歸翠華一作葉不能

待悲風生輦路山川寂已晦邊恨在行人行人無盡歲

送友人擢第東歸

同家楚天南一作涯相識秦雲西古來懸弧義豈顧子與

妻攜手踐名場正遇公道開君榮一作昇我雖熱感恩同

所懷有馬不復羸有奴不復飢灞岸秋草綠一作槐花落却

是還家時青門一瓢空分手去遲遲期君轍未平我車

繼東歸

久客

欽定四庫全書

御定全唐詩
卷五百八十五

十四

久客心易足主人有餘力如何昨宵夢到曉家山色南

音入誰耳曲盡頭自白

秋夕

促織燈下吟燈光冷於水鄉魂坐中去倚壁身如死求

名為骨肉骨肉萬餘里富貴在何時離別今如此出門

長歎息月白西風起

效陶

兩曜無停馭蓬壺應有墓何況北邙山一作邙山色只近市

朝一作井路大恢生死網飛走無逃處白髮忽已新紅顏

豈如故我有杯中物可以消萬慮醉舞一作袖日婆婆誰

能記朝暮如求神仙藥階下亦種黍但使長兀然始見

天地祖

長門怨一作張喬詩

御泉長繞鳳凰樓只是恩波別處流閒探舞衣歸未得

夜來砧杵六宮秋

苦寒行

欽定四庫全書

御定全唐詩
卷五百八十五

十五

嚴寒動八荒刺刺一作荊荊無休時陽鳥不自暖雪壓扶桑

枝歲暮寒益壯青春安得歸朔鴈到南海越禽何處飛

誰言貧士歎不為身無衣

琪樹下因吟六韻呈先達者

舉世愛嘉樹此樹何人識清秋遠山意偶向亭際得奇

柯交若闔珎一作生葉一作世密如織塵中尚青蔥更想塵

外色所宜巢三鳥影入瑤池碧移根豈無時一問紫烟

客